



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. In eodem Concilio Romano proposita est alia adversùs Hilarium querela, quòd Projecto Episcopo infirmo & nescienti alium superposuisset Episcopoum.

urn:nbn:de:hbz:466:1-15617

seculari administratione perfunditum capitali ali-
quos condemnasse sententia. Manifestum erat
Chelidonium non posse esse Episcopum, si
ista vera erant. Itaque Hilarius coacta pro-
munere suo synodo, cum accusatio testimo-
niis confirmata fuisset, Chelidonium monuit
ut sententiam in se ipse diceret, neve expe-
ctare veller episcopale judicium; nolentem
verò obsequi canonum dispositioni dejectum est
à sede episcopali, ut docent sanctus Leo & ve-
rus codex M S. monasterij Iurensis à Chiffle-
tio laudatus. Chelidonus verò, qui fortassis
sciebat suspectam Leoni esse effusam illam
Hilarij potentiam, Romam se contulit, ibi-
que se injusto judicio dejectum esse conque-
stus est apud Summum Pontificem.

V. Sciens ista Hilarius, Chelidonium se-
cutus est, non ambitioso comitatu septus,
nullis impedimentis, non rheda non equo ve-
ctus; sed ingressus iter pedibus, in equum
omino non ascendit; ut vel hinc colligi
posset nihil intra Gallias ab eo præsumptum
esse amore gloriae, sed studio tantum tuenda
dignitatis Ecclesiae Arelatensis. Romæ posi-
tus, primum Apostolorum ac Martyrum me-
morias invisit, deinde Leonem, cum reveren-
tia impendens obsequium, & cum humilitate de-
poscens uero Ecclesiarum statum more solito ordina-
ret, adstruens aliquos apud Gallias publicam me-
rito excepisse sententiam & in Urbe sacris alta-
ribus in egresso. Venisse se, non tanquam ac-
cusatorem, nec ut causam diceret, sed ut ju-
dicium sub præsentia sua factum familiari
apud Leonem suggestione sive sermone do-
ceret legitimum fuisse, ne qua fraus ei subri-
peret. se ad officia non ad causam venisse; prote-
stanti ordine, non accusandi, quæ sunt acta fugi-
gere. Addidit verba quæ haud dubio Leoni
visa sunt plena contumaciae, nimurum non
toleraturum se ut sententia adversus Cheli-
donium lata retractaretur. Nam his verbis
aperte ostendere videbatur non paucurum se
causas concordibus Episcoporum suffragiis
definitas in provinciis Gallicanis rursum ju-
dicari apud apostolicam sedem, & si Cheli-
donius absolvaretur à Synodo Romana post
dejectionem suam, non tamen habiturum se
illum pro Episcopo, neque communionem ei
suam impertiturum. Vnde illa Leonis quere-
la, Hilarium Ecclesiarum statum & concor-
diam Sacerdotum novis præumptionibus turbavi-
& sic Gallicanos Episcopos sue
cupiisse subdere potestati ut se beato Petro
Apostolo non pateretur esse subiectum, cu-
jus reverentiam verbis arrogantioribus mi-
nuerat. Nam hæc sunt ipsa Leonis verba,
digna profecto quæ referantur, cum ex his
colligi possit quantus fuerit in hac causa Leo-
nis dolor. Sed hunc tramitem semper inter ma-

jores nostros & bene tentum & salubriter confi-
tutum Hilarius Ecclesiarum statum & concor-
diam Sacerdotum novis præumptionibus turbatu-
rus excessit, ita sue vos cupiens subdere potestati
ut se beato Apostolo Petro non patiatur esse subje-
ctum, ordinationes sibi omnium per Gallias Ec-
clesiarum vindicans, & debitam Metropolitanis
sacerdotibus in suum jus transferens dignitatem,
ipsius quoque beatissimi Petri reverentiam verbis
arrogantioribus minuendo.

V I. Congregata synodo ob eam causam,
ad eamque vocatus Hilarius, adfuit quidem,
sed ea mente, quemadmodum colligitur ex
epistola Leonis, ut non fineret judicium
suum retractari, multa haud dubio prolocu-
tus de supra auctoritate Conciliorum
provincialium, quæ retractari nullo modo
possent si nihil dubietatis aut controversie
emersisset inter Episcopos judges, adeoque
Chelidoni causam, quæ concordi Gallicanorum
Episcoporum decreto judicata fue-
rat, in Romana synodo retractari non posse.
Hic est enim, ut ego arbitror, sensus verbo-
rum Leonis, dum ait Hilarium, cum nihil
rationabile haberet quod in Concilio Sacer-
dotum respondere posset, in ea verba eru-
pisce quæ nullus laicorum dicere, nullus Sa-
cerdotum posset audire. Hic est tumor men-
tis quem Pontifex Hilario objicit. Absolutus
itaque est in Romana synodo Chelidonus,
non tamen ab Hilario suscepimus, qui ejus
communioni conjungi nullatenus adque-
vit, ut docet ejus vitæ auctor.

V II. In eodem Concilio Romano nova
adversus Hilarium proposita querela est,
quod Projecto videlicet Episcopo infirmo &
nescienti alium superponuisse Episcopum,
invitis civibus, idque in aliena provincia. Ac-
cepérat Leo literas à Projecto, quibus dolor
suum testabatur, itemque epistolam ci-
vium, ipsius Projecti & numerosa singulo-
rum subscriptione firmatam, invidiosissimis
contra Hilarium querimoniis plenam, quod
Projecto Episcopo suo agrotare liberum non fuis-
set, ejusque sacerdotium in alium preter suam
notitiam esse translatum, & tanquam in vacuam
possessionem ab Hilario pervasore heredem viven-
tis inductum.

V III. Tertia adversus Hilarium propo-
sta querela est, quod videlicet militaris eum
manus per provincias sequeretur, illum vero
armati præsidij præsumptione suffultum in-
vadere per tumultum Ecclesias quæ proprios
amiserint Sacerdotes, ac sic officii publici
ministerio ignotos invitis populis Episcopos
dari. Testatur istud Leo in eadem epistola, &
legitur etiam in Novella constitutione Valen-
tiniani III. lata pro confirmando isto
Leonis adversus Hilarium judicio. Sic enim
loquitur